

LA MÒLA L'È STAT EL PURÉ

sketch di Velise Bonfante

in dialetto bresciano

Ercole legge sul giornale che un marito dopo tanti anni di matrimonio ha ucciso la moglie e si chiede cosa farà scattare questa molla. Quando Teresina, pur di raccogliere i punti regalo, vuol fargli mangiare seicento scatole di puré non ha più dubbi: la molla è stato il puré.

Scena: Una cucina o una sala da pranzo. Il tavolo è preparato per la cena.

Personaggi: Ercole il marito e Teresina la moglie.

Ercole) (*Entrando con un giornale*) Ma g'hét lizit che ròba Teresina, en òm el g'ha copàt la sò fómna dopo tancc àgn de matrimonio, chisà come mai giü 'l dà fòra de mat isé all'impruìsa... senza en motivo... ghe sarà en vargót che fa scatà come na mòla...de sicür. (*Chiude il giornale e si siede a tavola*) Ohh se só stràch, só pròpe stràch e g'ho na fam che la me ve fòra dai öcc.

Teresina) (*Sfaccendando ai fornelli*) G'hè quasi pront Ercole, en minüt che rie (*va a prendere un bel cesto stracolmo di grisini e lo depone sul davolo davanti al marito, poi lo sposterà*).

Ercole) Endó èl el pa? Ehh nò, eh Teresina, adès basta, el gnamò ura che te me cómpret un bèl panino? I grisini i me ve fòra de i öcc.

Teresina) Varda, porta pazienza, amò vintisich póncc.

Ercole) Amò vintisich chili de grisini g'ho de mangià?

Teresina) Cosa el chi per te vintisich chili de grisini, el set mia che i grisini i fa meno màl del pa?

Ercole) Varda Teresina, mé laure töt el dé en fonderia, g'ho de tignim sö... i grisini i mè té mia en pé, mé vöi el pa!

Teresina) I grisini j è ròba de siòri, el pa laseghèl mangià ai poarècc.

Ercole) E me só sempèr stàt en poarèt, só stàt abitüat a mangià el pa e vöi el pa!

Teresina) El sét che te dìse, te sarét stàt àca en poarèt ma tè restàt la mentalità poarèta, mangia e tàs.

Ercole) Töt ché la mé sena?! Na scatolèta de tu, de tonno e na mozzarella?

Teresina) Per la mozzarella me 'n manca sul quatòrdès, e con de sent e vint póncc i mé dà en bèl bollitore in acciaio inox 18/10, de 'n litèr e méz per de pö col fischio, col sifól !

Ercole) Ma te ocórel pròpe el bollitore col sifól? Pòdet mia doprà en pignati?

Teresina) Ma vöt mèter en bollitore col sifól? El bollitore i la dòpra i siòri caro mio...

Ercole) E 'l tu?

Teresina) Varda che per el tonno me 'n manca apena sich per viga la "scopa accessoriata".

Ercole) Fam capì... sich e quatòrdes, ma de che ròba?

Teresina) (*Meravigliata*) Ma de buli, ma de póncc, de punti nò!

Ercole) De buli? De póncc, de punti?

Teresina) Ma sé Ercole, per el regal nooo!

Ercole) E chèste èle amò le patate lesse surgelate de giér sera?!

Teresina) Varda con trentadù póncc de patate surgelate i me darà na “Multipresa da tavolo bipolare con 4 uscite... e du méter de cavo”.

Ercole) E dopo che ‘n fèt de la multi... ?

Teresina) Ercole, varda che la fa semper còmot vighela en casa ‘na presa simile. Ma che te vé en mènt, quante storie fèt stasera per la séna, te le semper mangiada che la ròba che.

Ercole) Certo, l’è quìndes dé che nó avanti a grisini, scatolete de tu, mosarèle... e patate lesse surgelade!

Teresina) E alura, en dé pö en dé men. Cosa te ve ‘n mènt stasera de bruntulà.

Ercole) Bruntùle come el me stòmèch. Ma coi póncc dei grisini cosa ciàpet a la fi? Perchè mangià vintisìch chili de grisini l’è mia na paja?

Teresina) I me regala le scödèle, ma per te Ercole, el sarà mia en sacrificio né! I grisini j-è na specialità, i grisini j-a mangia i siòri, j-è senza grassi, i fa bé al stòmèch, e la zent la j-a dòpra quan che i fa la dieta.

Ercole) Me laure en fonderia e só mia en dieta!

Teresina) Però ‘l sarès mèi che te ghéset de fala la dieta, varda lé che pànza. Mé, mé ‘l fó per té.

Ercole) E per le scödèle.

Teresina) Certo, se a fòrza de mangià grisini dopo me fó sö en bèl servizio de scödèle, tant de guadagnà!

Ercole) Varda Teresina, (*cercando il portafoglio*) te dó me i sölcc, va a compràt töte le scödele che te n’è òja ma sta piö presentàm grisini en taola.

Teresina) Scusa nè Ercole, ma te te capìset gnènt, perchè gó de ‘nda a comprale se i me j-a regala co’ i póncc?

Ercole) Perchè me vintisìch chili de grisini g’ho póra de mia faghela.

Teresina) Te ghe mia de mangiai töcc en de ‘n colpa, el concurs el scat a la fi de l’an, te ghe nét de tèmp!

Ercole) Teresina, varda, stasera mangiaró amò i grisini, (*guardano il piatto con aria schifata*) e sta ròba... ma dumà tö en chilo de pa, e ‘na bèla bistèca.

Teresina) La bistèca te la tö surgelada al supermercato che j g’ha dervìt nöf, oltre töt j-ambia con de na raccolta de buli che l’è la fi del món, me g’ho za vist el catalogo, la me la ‘mprestàt la siura Maria, la nòsa vizina de casa. E te ghesét de veder che regài: giü pö bèl de l’alter, e con póch póncc.

Ercole) Ma Teresina...

Teresina) Ma Ercole, bisogna pròpe che ‘ndaghe lé a fa la spesa, per töt el més gh’è l’offerta del tre per due e i dà apó i buli dópe!

Ercole) Ma na bistèca del bécher l’è töta n’altra ròba.

Teresina) L’è n’altra ròba perchè tè, te ghét le manie, ma modernizèt nò! Adès la càren i la vènd buna apó al supermarket.

Ercole) Co’ i buli.

Teresina) Certo, anche ensima a la confeziù de le bistèche surgelade gh'è i póncc, con otantasich se pöl tö en bèl tappetino da cuzina de cutù a fantasia...varda, na ròba...

Ercole) Ma te ocórel el tapetino? Ghe l'èt mia za?

Teresina) Cosa ghé c'ènta? Se i la regala vöt mia töl?! Giü pö giü men, i tapetini i va mai de 'l mal, l'è bèl vighen giü de scòrta.

Ercole) Sta mia dim che dopo te me faré mangià bistèche surgelade töcc i dé?

Teresina) Ma va la, maniaco. El düra ses més el concors, e ghe ne ocór apena otantasich de póncc.

Ercole) Me, per me, te i pàghet salàcc chèi regài lé, cara mia!

Teresina) Ma töcc i regai envece, j-è gratis, se nò i se ciamarés mia regài. Anzi, vardà che te fó véder, coi buli de la salsa...te la ricordèt la salsa?

Ercole) Certo! Sta pö nominàm chèla salsa maledèta, só apena apena riàt adès a desmentegala. Chèla salsa, con chèl culur, con chèl saür... che a la fì la m'ia squasi stomegàt.

Teresina) Sta mia esagerà Ercole! L'ho comprada co' l'offerta del tre per due a bu mercàt, vardà cosa i m'ha regalat con quaranta buli, chèla bèla bisticchiera ché, en ghisa rettangolàr de 32 per 24, bèla pesante.

Ercole) Ma te ocóriela la bisticchiera, ghe l'iet mia za Teresina?

Teresina) Chèsta l'è pö bèla e pö pesante, la tègne de scòrta, la pöl semper ocorès se se sbrèga l'altra.

Ercole) A fòrsa de spetà che le vègnes bune endó le metèt töte chèle ròbe che? Te garé mia apò de comprà en vestàre nè!!!???

Teresina) Ghe n'è mia de problemi Ercole, (*prendendo ed aprendo il catalogo per farglielo vedere*) chè, söl catalog nöf, vardà, con seicento punti de puré i la regala!

Ercole) Con seicento punti de puré i regala en vestàre?! Ma de bu!? Ma dìzet de bu Teresina? Ma fàmela véder bé che la bèla bisticchiera lé.

Teresina) (*Porgendogliela*) Vardà che bèla pesante, vardà che bèl regàl e apena con quaranta buli.

Ercole) (*Soppesando la bisticchiera*) Te g'hét resù Teresina, bèla pesante e apena con quaranta buli. Quaranta vazècc de salsa schifùsa e maledèta. Ma mé, prim de mangià seicento scatole de purè... mé... mé... te la spache söl có (*e la rincorre intorno al tavolo minacciandola con la bisticchiera*).

Fine